

景定建康志卷之三十二

承直郎宜差充江南東路安撫使司幹辦公事周應合修纂

儒學志五

貢士

解額

晉元帝初制揚州歲舉二人

先是以兵亂務存慰悅遠方孝秀到不策試普

皆除署至是帝申明舊制皆令試經有不中舉者制刺史太守免官太興三年孝秀多不敢行到者託疾

宋制丹陽郡歲舉二人

凡州秀才郡孝廉至皆策試天子或親臨之及公卿所舉

皆屬于吏部序才銓用凡舉得失各有賞罰失者其人宜加禁錮年月多少隨辜議制武帝為晉相國時

大八十二

建康志卷三十二

嘗申明舊制依舊策試

隋制蔣州歲貢三人

唐制昇州歲貢三人

有才能者無常數

本朝中興初建康府解額一十名紹興二十六年增

為一十一名

紹興通用貢舉格建康府解額一十人及準紹興二十六年二月七日指揮節

文西北流寓東南可將二十三年各州土着進士終場人數計若干取一人謂如某州解一千人就試終

場及土着人分數即添解一人或零分流寓終場人數每依土着人十分為率三分亦解一人謂如土着人

每百人解一人其流寓人就試零三十人以上亦解一人之類若以後解秋試人多不得過二十六人將流

取人數績據鄉貢進士李伊等四十二名狀乞將流

寓土着士人紹興二十六年三月七日指揮混試本
府取放一十一名本府遂申尚書省并禮部乞賜
施行回準省劄指揮節文尋行下國子監勘當得
本府所申既流寓人與土着人混試逐舉取放一十
一人劄付本府照應端平元年守臣奏以建康

行闕之重請比臨安府恩例特與增添解額八月

十日奉

聖旨建康府解額特增兩名共以一十三名為額

貢院

建康府貢院在青溪之南秦淮之北卽蔡侍郎寬夫

宅舊址也乾道四年留守史公正志建紹熙三年留

大正の
光亨の

建康志卷三十二

二

守余公端禮修而廣之嘉定十六年端禮之子嶸爲
守撤而新之陳公天麟楊公萬里嘗爲記

重修貢院記古者自京師至于鄉邑皆有學自

秀士至于進士然後官使之攷王制之所載士
未始不出於學也後世學校科舉之法並行以
學校養士而以科舉取士養之取之各異其所
羣試州里拔其尤者與計偕又羣試於春官故
自京師至于郡國莫不有取士之所焉士方集
有司設案主司而下下堂再拜焚香肅士就位

則禮闈之設雖近沿唐制亦所以貴進士之科而不敢苟也於古何戾哉建業多士異材輩出曩有魁羣儒首異科而爲名公卿者項背相望也故其後子弟益自勉應三歲之詔者常數千百人兵興百事鹵莽有司不暇治屋廬以待進士姑奪浮圖黃冠之居而寓焉郡凡幾守率置不問或告之則曰此非吾之所急也史侯自天官貳卿出鎮之明年諸生以是爲請而其故基爲閭閻營舍者四十年矣侯慨然念之指地而

易其居捐金而償其遷築之費取羨餘之木爲屋百有十楹適它郡潦傷民流移江山侯因募之使食其力不足則助以廩卒經始於季夏中休竟事於中元是歲乾道四年也面秦淮接青谿挹方山氣象雄秀侯集賓客而落其成指諸生而告之以進德修業之方薦紳韋布之士作爲謠詩以贊其喜且曰侯於吾建業之士至矣願求文以識其功侯因以屬予予爲之言曰世之爲吏非通材不濟也欲興利起廢無經畫於

事之先則縮朒而不敢爲不然則不卹財之匱
民之勤而惟吾有司之事是集是亦安取於吏
也俟通儒也於書無所不讀於天下之事無所
不悉故是舉也國人不及知而辨於咄嗟之頃
其它撥煩濟劇率稱是其與窾實而浮名飭外
而遺中本末首尾衡決倒植而興學校益庖廩
謂之崇儒證辭於民則曰獨奈何厲我勤是不
急爲者其當戾何如也於虛俟亦賢矣哉自茲
取巍科登顯仕追迹耆舊皆俟賜也建業之士

勉之俟名正志字志道丹陽人十一月旦左朝
散郎充敷文閣待制知鎮江軍府事宣城陳天
麟記左承議郎通判建康府事姑蘇嚴煥書左
朝請郎直顯謨閣權發遣江南東路計度轉運
副使公事浚儀趙彥端書額○又記金陵六朝
之故國也有孫仲謀宋武文之遺烈故其俗毅
且英有王茂洪謝安石之餘風故其士清以邁
有鍾山石城之形勝故其地爲古今之雄盛有
長江秦淮之天險故其勢扼南北之要衝地大

才傑而官府事物獨庫且隘顧可謂稱矧是澤
宮古以擇士公卿大夫是之自出而爲屋才百
其楹歲隨月墮至者千人項背駢繁至緯葭爲
廬架以蒼篔雨風驟至偃僂蔽遮革全文卷紹
熙二年春三衢余公自刑部尙書除煥章閣直
學士寔來居守莫府肇啓一新百爲劬躬疚懷
于夙于夜仁聲義實允洽毗庶文令武競兵戎
載肅靡政不葺靡敝不革孚于九郡水順雪釋
一日庠序諸生秦晉等充庭果以爲請公卽命

駕率屬往而相攸則見藩拔級夷棟折榱傾廩
廩將壓顧謂治中廖君侯曰斯邦斯士而延以
斯廬不湫隘否不簡陋否其宜稱否迺徹厥舊
迺圖斯新意匠是斷畫堵是度棟栩崇崇柱桷
奕奕率眡舊貫蓋四之一考官有舍揖士有堂
爰廊四廡爰拱二掖可案可几可研可席堂之
北墀中闈以南前後仞墻內外有閑自闈之表
緘封之司寫書之官是正之員左次右局不殺
不併會爲門關啓閉維時職誰何者於此攸宅

凡二百一十有二楹自堂徂庭自庭徂門自門
徂裔皆燹其地士之集者霽則不埃霖則不淖
經始于是歲冬十一月八日明年春二月廿三
日落之其費凡爲緡錢一萬一千爲米斛六百
木二萬一千章竹一萬四千箇燹瓦六十萬三
千枚云公屬予記其役予諭于諸生日公之於
諸君不薄矣今茲歲當大比諸君徠試於斯盍
亦料長江以爲泓操三山以爲觚以寫胷中王
謝康濟之長策以荅鍾山草堂之英靈毋撓毋
度轉運副使廬陵楊萬里記并書

諛母諛母憮以母負余公延竚之至意公名端
禮字處恭中奉大夫直龍圖閣權江南東路計
轉運司貢院舊皆寓試僧寺嘉定九年真文忠公德
秀始建貢院于青溪之西
是歲習庵陳垣首薦漕闈
明年爲禮部進士第一
常平提舉李道傳爲記

初建貢院記國朝之制諸路置使按察各有職
掌轉運使最先置所掌最多提舉學事旣省又
兼掌學校貢舉事間三歲 詔諸州各試其士

升之禮部士與爲吏者親嫌則偕已仕而鎖其
廳者試于轉運司江東地大人衆材雋間出數
十年間由轉運司之試擢高科登貴仕者數數
有之顧試院未克立每寓于浮屠者之宮庠隘
弗肅有司患焉前使者汲郡孟侯猷始度地於
建康府城之東南隅廬陵胡侯槻以總領財賦
兼攝使事稍儲錢以俟費它未皇也嘉定八年
秘閣修撰建安真侯德秀爲副使至則曰是不
可以不成於是相其陰陽正位南鄉築而增之

建康志卷三十二

七

其崇五尺背負鍾山前直長干清溪環流秦淮
旁注寬閒爽塏不僻不囂於校文論士爲宜九
年三月戊寅命工興事二十日而堂成又十日
而聽事成修廊繩直表裏相望外而羣執事之
吏各有攸局七月丁卯工告訖事侯謂道傳盍
記之道傳竊惟近世取士之制每不如古專尙
詞章而德行道藝之實喪多爲文法而廉恥禮
遜之節壞世久病之學廢而詞益下俗澆而綱
益密雖上之人亦竊病焉提其徑以誘之於前

艱其門以塞之於後使爲士者棄鄉井走道路
無復懷寶待價之意又識者所深病也學古行
道之君子思救其弊考古之意酌今之宜使教
學興風俗厚賢才出治功著其規模條日本末
先後必有可言者然豈有司所得爲哉若夫合
圓冠方履之士以校其藝會無定處而反託於
異教之廬事益苟名益不正此則有司所得爲
者是役也俟蓋爲所得爲而已學古行道俟之
素志所謂考古之意酌今之宜以救歷世之弊

者其必慨然於此矣夫豈特以高科貴仕望江
東之士哉侯正色立朝風采聞于四方奉

命出使專以激濁揚清洗冤澤物爲已任歲適
大饑民賴以全活者不可數計斥燕饋削浮冗
獨以餘力克興是役材無強賈庸必厚給田里
不知州縣不與是皆足書道傳旣承侯命因推
古者取士之意平日所望於侯者備論焉院爲
屋餘百五十楹錢以緡計者萬四千有奇董其
事者主管文字趙與憲嘉定九年七月日朝散

郎提舉江南東路常平茶鹽公事李道傳記寶
謨閣直學士中大夫知池州軍州兼管內勸農
營田使鄒應龍書端明殿學士正議大夫簽書
樞密院事兼 太子賓客曾從龍篆額

府學贖送規約契勘本郡士子率多清貧每當賓興

上南宮者以裝齋爲苦今學校創置房緡專充贖送

條具如右

贖送數目
並用銅錢

一置到房廊各有赤契及總簿該載

一收到貨錢專委直學一員拘權別項椿管如遇官

三十一
十月

建康志卷三十二

九

放須契勘所放日分等第錢數月終轉結簿歷取
兩教授花押

一贖送鄉舉發解各五十千免解者半監漕國子發
解各二十千免解者半武舉發解各二十千免解
者半宗子應舉發解宗學發解各二十千鎖應十
五千取應減半過省各二百千自太學過省及舍
法免省者半武舉過省各一百千自武學過省及
舍法免省者半宗子應舉過省宗學過省舍法免
省各四十千鎖應三十千取應減半補入太學各

一百千入武學者半入宗學者又半

一本學贖送貢士係於使府勸駕後一日就公堂設醴面致贖金庶無減尅之弊

一此項錢專爲贖送本府士人唯特恩人不送試入前名賜出身照過省例續送如有時官流寓宗室過往舉人並不支送

一已受贖禮人因事不能成行或至中涂而旋者並將元錢回納如是執留申府拘理或身到行在實有事故不能入試仰同赴試人保明免行回納

一置到房廊或有損壞卽支本色錢修造明置文歷不許虛破

右具如前永宜遵守事力未裕姑立大綱增廣前規尤有望於來者

記云金陵大都會六朝風流未遠我

宋淑人心以道德翕然盡歸醇厚中興南渡

天蹕駐臨行闕峩龍盤增秀光涵玉井瑞

產金蓮距今百年人物鼎盛魁杓聯耀益大彰

明端平初元

皇上嘉惠 陪京增貢士額登名天府者十三人嘉熙改元諸生請援 京師例到省郡復上其事于 朝劾 奏朝騰 俞音夕播士鳶飛魚躍莫不舒翹揚英奮迅功名之會郡教姑孰陶公熾誘掖後進以明道書堂撥入歲租易金市屋日餽月儲爲貢士資旣而盱江孔公聖義同掌教席相與翼其成與計偕者遣送雖各有差踏梅江岸觀 國之光皆得以壯行色春風橐籥吹噓成就者爲多是舉也真鄉邦無窮盛事嘉熙改元十一月朔郡人從政郎宜差充蘄州州學教授吳歲記

本府勸駕於貢院揭名一月後就設廳開鹿鳴宴凡本府新舊文武舉及漕司新舉人皆預焉津送有差本府正請士人每員送十七界會子三十貫文折緣欄過省見錢一十貫文七十八陌酒四瓶兔毫筆一十枝試卷劄紙四十幅點心折十七界會子一十貫酒一瓶特送十七界會子一千貫文

江東漕司正請官員士人除漕司津送外本府每員

送十七界會子三十貫折綠欄過省見錢一十貫
七十八陌酒四瓶兔毫筆一十枝試卷劄紙四十
幅點心折十七界會子一十貫酒一瓶

淮郡附試正請士人每員送十七界會子三十貫折
綠欄過省見錢一十貫七十八陌酒四瓶兔毫筆
一十枝試卷劄紙四十幅點心折十七界會子一
十貫酒一瓶特送十七界會子二百五十貫文

本府免解士人每員送十七界會子二十貫
酒二瓶點心折十七界會子一十貫酒一瓶特送

府學前廊
增十貫

十六

建康志卷三十二

十三

十七界會子五百貫文

淮郡免解士人每員送十七界會子二十貫酒二瓶
點心折十七界會子一十貫酒一瓶特送十七界
會子二百五十貫文

重建建康府貢院大使馬公光祖任內建康府貢院
在清溪之南創於紹興初年修於嘉定癸未自
後率三歲一葺因陋就簡牽補目前試已則借
占躡踐靡所不有殆弗止撤藩籬毀薪木而已
屋旣傾欹地又卑濕慄乎有覆壓之虞咸淳丁
卯歲詔大使親卽其所爰究爰度悉命撤而新
之鳩工聚材築基崇址宏壯爽塏視昔逕庭廳
事之後爲堂三間扁曰衡鑑翼以考官位次薇
堦蓮沼前後相輝供帳什物百爾具備試場舊

大三ツサの
小九

建康志卷三十二

三

止四廡衆以爲隘乃卽西偏闢地數百弓添砌
兩廡爲屋共二百九十四間庖湍守視之所罔
不整潔又倣金華諸郡例置長卓釘柱間闡三
門以來多士中門之外設封彌交卷謄錄對讀
所各有司存井然不紊棟宇翬飛與正廳埒始
置鎖鑰屬府學董之規模於是乎詳密矣自是
年四月日興工訖五月竣事不月而成民
不知役其糜錢十八界一十三萬三千八百九
十五貫有奇米一千五百五十石他物從官給

者不與焉右史馮公夢得爲之記云

皇帝嗣位越三年二月初吉 詔天下郡國以

士來貢若曰宋德當天奎聚五緯文明景運實
此乎開維茲歲行適合維予一人祇見先聖闡
道立教聿興斯文維躬用勸維爾多士懋旃於
是建康府新作貢院成留守大制使觀文馬公
以書諭夢得曰維此文闡乾道立之紹熙闢之
嘉定蒼之今又四十有五年每蒞校比有司取
具目前猿狙之棧株儒之柱苦蓋楫掬謂是則

大三
九

建康志卷三十二

古

苟而可老屋岌岌不任風雨墊隘湫底爽氣弗
集岌負而至者外撻內韞僂焉懼竇躡之及殆
非所以使之鋹羽翮而吐鏗轟也以吾爲守長
於斯而是之弗慮弗圖毋已闕乎乃鳩工慮材
培卑而崇拓隘而廣規畫褰舉再閱月亟潰于
成而人未始知有役 國家之賢才自出多士
之氣數攸關可無文字以覺久遠子盍爲我記
諸夢得嘗考賓貢之制自周迄唐其意寔以荒
失未嘗不慨古之士貴以肆而後世之上不然

也夫賓士以禮而鄉射行焉所謂揖遜而升下而飲其雍容和衍之氣象何如哉逮至束縛檢約圍棘重重寒廡單席如唐人所云者則偪介已甚於古意無復彷彿矣我朝以儒立國三歲大比攷其德行道藝之法雖未能純用周制而興賢與能使長使治其意亦何以異於周六飛渡江王氣聚於東南而金陵首當其會警蹕駐焉地載神氣風霆流形采芑新田潤澤豐美是開中興以來無窮之用 聖天子垂意文治

烝我髦俊制詔一下遐不作人業業陪都視周豐鎬所謂庶物露生文武之德有衍未艾也居留重臣用克知于德意共明命而厚同氣有開必先夫豈偶然前五十年文忠真公將指轉輪始作漕貢院于是邦越明年卽有冠南宮者維馬公之學源流真氏故知所崇尚類如此昇本多奇士加之以新美之會扶搖天飛志氣固應倍百嘉定類闡得士之盛吾知其殆有過之公三至玉麟十年之間揆教奮衛興補潤賴之績

不可選紀而於是役尤汲汲焉公之盛心蓋可
識矣夢得於授簡之辱用次第其說以筆受而
不復以不文辭若夫山川之美方隅之吉而勢
之宜舊記具焉不書役用材植金穀幾何非見
屬之大指亦不書公在先朝嘗貳樞庭名字系
出天下戶知之學士大夫尊之皆曰裕齋先生
云是歲爲咸淳三年四月甲子朝散大夫太府
少卿兼權直舍人院權直學士院兼侍立修注
官馮夢得記朝散大夫新除軍器少監兼權國
子司業兼權直舍人院兼景獻府教授林應炎
書并篆蓋

進士題名

慶歷二年

張識

張諮

熙寧九年

楊之道

巫鉞

江適道

潘温之

紹聖元年

畢漸榜

許之美

崇寧五年

上舍及第

余棨

蔡敦禮

崇寧五年

蔡蕤榜

朱昇

秦濟

大觀元年

上舍及第

段拂

大觀二年

上舍及第

霍迪

大ヲ廿五
小ノナス

建康志卷三十二

七

政和二年

莫儔榜

俞迎

朱天任

錢時敏

政和四年

上舍及第

陳鶚

政和五年

何棨榜

秦檜

范同

政和八年

嘉王榜

朱端彥

朱慮

徐時升

宣和三年

何渙榜

魏良臣

朱元恠

陳秉成

鍾大方

宣和六年

沈晦榜

何若

秦梓

建炎二年 李易榜

錢周材

吳棨

王絳

戴弼

李朝正

趙震

張士襄

紹興二年 張九成榜

潘祺

紹興五年 汪應成榜

王綸

朱端稟

紹興八年 黃公度榜

巫孝立

鮑同

巫伋

紹興十二年 陳誠之榜

秦熺

本第一甲第一人為宰臣辭免降充第二人為係冀上十人合升甲與還第一人恩例

大百八小七十二

建康志卷三十二

六

秦昌時

秦昌齡

苗昌言

江漢

魏元若

紹興十五年 劉章榜

李珵

紹興十八年 王佐榜

魏師遜

鍾離松

周彥

江賓王

鮑慎履

紹興二十一年 趙達榜

湯彥升

巫孝恭

莊震

紹興二十四年

張孝祥榜

秦埴

第一甲第三人為係兩府親屬依第一人恩例

秦焯

秦焯

葛揆

趙公彬

紹興二十七年

王十朋榜

陳自修

乾道二年

蕭國梁榜

李機

乾道五年

鄭僑榜

劉煒

沈鑑

乾道八年

黃定榜

錢閔

夏融

淳熙五年

姚穎榜

梁文恭

張衡

淳熙八年

黃由榜

張逢辰

吳柔勝

大子十六
小六六

建康志卷三十二

九

紹熙元年

余復榜

劉樞

戴錡

耿戡

紹熙四年

陳亮榜

孔蓋

李巖

李大同

李琦

李秀實

慶元五年

曾從龍榜

汪瀛

嘉泰二年

傅行簡榜

卞伯光

成灋

胡景愈

鄭震

嘉泰三年 上舍及第 衛燿

嘉定四年 趙建大榜 王晉

鄭南

王遠

嘉定七年 袁甫榜

吳淵

朱應龍

潘彙征

李芥

嘉定十年

狀元吳潛

嘉定十三年 劉渭榜

楊成大

沈先庚

嘉定十五年 上舍及第

許思齊

嘉定十六年 蔣重珍榜

大卅一 小卅一 建康志卷三十二

紹定五年

元宋興

辛

嘉熙二年

陳熙

淳祐元年

胡景龍

吳起潛

淳祐四年

卞文顯

淳祐七年

吳琪

包秀實

陳晟

陳昂

淳祐十年

洪心會

吳慶龍

傅文振

李盥

寶祐元年

潘孜

寶祐四年 文天祥

吳景伯

李仲龍

朱文德

吳璞

開慶元年

張震龍

朱紹遠

平天祐

景定建康志卷之三十二

大十九

建康志卷三十二

三